



Hajdeker: Komandant
EUFOR-a

UNSA

Predavanje Hajdekerera

► Predavanje komandanta EUFOR-a Ditera Hajdekerera (Dieter Heidecker) o temi „Zajednička sigurnosna i odbrambena politika EU i uloga EUFOR-a u BiH“ bit će održano danas u Rektoratu Univerziteta u Sarajevu (UNSA). Hajdeker će održati predavanje na poziv UNSA-e, a prisutni će moći postavljati pitanja komandantu EUFOR-a.

Sarajevo

Radionica o migracijama

► Naučnoistraživačka radionica „Migracije u funkciji razvoja“, u okviru zajedničkog projekta Ministarstva za ljudska prava i izbjeglice BiH, Ambasade Švicarske u BiH i UNDP-a, bit će održana danas u Sarajevu. Projekt nastoji doprinijeti uspostavljanju povoljnog okruženja za djelovanje migranta iz BiH.

Zvornik



Zvornik: Donacija „World Visiona“

Dodjela plastenika

► Humanitarna organizacija „World Vision“ donirala je Općini Zvornik osam plastenika površine 100 kvadratnih metara sa sistemom za navodnjavanje te sjemenskim materijalom. Pojedinačna vrijednost plastenika je oko 3.500 KM, a montirali su ih stručnjaci koje je angažirala organizacija „World Vision“.

Josipović i Tešić

Izjašnjenje o krivici

► Ročište za izjašnjenje o krivici pred Odjelom I za ratne zločine Suda BiH u predmetu Miodrag Josipović i drugi zakazano je za danas. Sud Bosne i Hercegovine potvrdio je 2. oktobra optužnicu koja optužuje Miodraga Josipovića i Branimira Tešića tereti za krivično djelo genocid.

SARAJEVO Danas inauguracija novih članova Predsjedništva BiH

Državna vlast neće biti formirana ni do marta?

Predsjedništvo BiH:
Konstituiranje prve
institucije vlasti
nakon izbora



Svečanu zakletvu položiti će novi članovi Predsjedništva Dragan Čović, Bakir Izetbegović i Mladen Ivanić

Za danas je najavljena konstituirajuća sjednica Predsjedništva BiH, prve institucije vlasti, koja će biti formirana nakon općih izbora održanih 12. oktobra.

Nema smetnji

U 14 sati zakletvu će položiti Bakir Izetbegović (SDA), Dragan Čović (HDZ BiH) i Mladen Ivanić (PDP). Konstitutivna sjednica Pre-

dsjedništva BiH bit će otvorena za javnost.

Lider HDZ-a BiH Dragan Čović, koji je na izborima osvojio 128.053 glasa i time postao hrvatski član Predsjedništva BiH u naredne četiri godine, izjavio je za „Avaz“ da se, praktično, tek od danas otvara proces implementacije izbornih rezultata.

- Veseli me da smo, bez obzira na jedan diskrimini-

rajući Izborni zakon, ipak dobili mogućnost da je hrvatski narod ovog puta dobio šansu da ima legitimnog i legalnog predstavnika u Predsjedništvu BiH. Ja ću u svom inauguralnom govoru reći da je pred nama ogroman posao kako stabilizirati BiH i kako kroz različite instrumente racionalizacije odnosa u BiH zaštititi jednakost tri konstitutivna naroda i svih građana te se onda u potpunosti okrenuti euroatlantskom projektu - kazao je Čović za naš list.

Potcrtao je da je u posljednje vrijeme bilo previše eksperimenata u BiH te se nada da toga više neće biti. Smatra da Predsjedništvo, koje predlaže mandataru za sastav Vijeća ministara BiH, ne bi trebalo praviti bilo kakvu smetnju.

- Mi bismo kao Predsje-



Čović: Vlast moramo praviti „odozdo prema gore“

dnjstvo BiH trebali prihvatiti da predstavnik bošnjačkog naroda predloži mandataru. Međutim, moram naglasiti da je ustavna logika takva da se vlast mora praviti „odozdo prema gore“, odnosno od kantonalnog do državnog nivoa - kazao je Čović i dodao

da nije realno očekivati da se državna vlast formira do kraja godine.

Dva bloka

Prema onome što se dešava iza kulisa pregovora stranaka, tvrde sami akteri, nije realno očekivati da se državna vlast formira prije marta naredne godine. Prvenstveno jer je još neizvjesno kakav će biti rasplet u RS, odnosno ko će činiti vlast u manjem entitetu.

Dva bloka, jedan koji predvodi SNSD, a drugi Savez za promjene, odgovor na ovo pitanje najavljuju za 24. novembar, kada će doći do konstituirajuće sjednice NSRS-a. Oba bloka su u kontinuitetu tvrdila da imaju većinu za formiranje entitetske vlade, ali primjetno je da su u proteklim danima u Savezu za promjene u svojim prognozama postali dosta oprezniji. **A. DUČIĆ**

Većina u Federaciji BiH

Upućeni kažu da Čovićevu izjavu da se vlast treba praviti „odozdo prema gore“ treba smatrati jedinom ispravnom, ponajviše zbog činjenice da se ništa ne može formirati prije nego što se utvrde sastavi entitetskih te Dom naroda na nivou države.

Kada je riječ o Federaciji, za utorak je najavljen sastanak HDZ-a BiH i stranaka HNS-a sa SDA te DF-om, koji se nametnuo kao partner SDA, a na kojem bi se trebao potpisati protokol o formiranju vlasti na kantonalnim nivoima te na nivou Federacije.

Nakon objavljivanja snimka navodnog razgovora Željke Cvijanović

Optužbe za političku korupciju potresaju RS

Navodno kupovani glasovi poslanika • Provjeru autentičnosti traže i SNSD i Savez za promjene



Cvijanović:
Utvrđiti odgovornost

Optužbe za političku korupciju potresaju Republiku Srpsku. Što se više bliži 24. novembar, za kad je najavljena konstitutivna sjednica Narodne skupštine RS, bitka za poslaničke glasove između partija okupljenih oko SNSD-a i onih iz Saveza za promjene sve je žešća.

Mediji su, naime, objavili audiosnimak, čija autentičnost još nije potvrđena, a na kojem se čuje premijerka RS i međunarodni sekretar SNSD-a Željka Cvijanović, koja je s ne-

kim drugim osobama razgovarala o „kupovini poslanika“.

Provjeru autentičnosti snimka zatražili su jučer i iz SNSD-a i Saveza za promjene.

Iz SNSD-a su jučer u saopćenju za javnost naveli da je namjera snimka da se destabilizira lider NS Adam Šukalo i izvuče iz skupštinske većine koja je dogovorena.

- Ovim materijalom se bave oni koji grčevito nastoje da dođu do broja od 42 u NSRS - navodi se u saopćenju SNSD-a.

Cvijanović je novinarima jučer rekla da se radi o monti-

ranom snimku koji ima jasan politički cilj, ali i da nadležne službe već rade na utvrđivanju odgovornosti.

- Oni koji su taj materijal napravili, montirali i emitirali, zašli su u sferu koja je kažnjiva - istakla je Cvijanović.

Poslanik SDS-a u Predstavničkom domu Parlamenta BiH Aleksandra Pandurević smatra da je snimak autentičan i traži od istražnih organa hitnu istragu te da uhapsu aktere da bi se spriječilo da korumpirani političari uđu u vlast. **MI. D.**



Pandurević:
Tražimo istragu